



# Vischinadi Vrin

## Reglament pertuccont il diever dalla donaziun dalla fundaziun svizra per la tgira dalla cuntrada

### Art. 1

La basa per quest reglament fuorma l'entelgientscha pertuccont l'execuziun dall'empermischun da donaziun denter la fundaziun svizra per la tgira dalla cuntrada (FSTC) e las vischnauncas da Vrin e Sumvitg dils 22 da schaner 1997.

**Intent e finamira**

Quei reglament fixescha il diever dalla donaziun da frs. 455'000.00 che la vischnaunca da Vrin ha retschiert dalla FSTC suenter haver mess il territori dalla Greina sut schurmetg dalla cuntrada.

La donaziun sa vegnir duvrada si en 40 ratas annualas ulivas.

### Art. 2

Per ils suandonts projects che stattan directamein en connex cun il vischinadi da Vrin sa vegnir dau contribuziuns finanzialas:

**Diever**

- per cultivaziun dalla cuntrada che schanegia ambient e resursas,
- per cultivaziun e tgira necessaria egl uaul,
- per manteniment e sanaziun adequata d'indrezs d'avertura tradiziunals,
- per manteniment e sanaziun adequata d'objects culturals ch'ei digns da vegnir protegi,
- per tgira e manteniment d'elements naturals sco per exempel seivs vivas, auas, rivas, mirs schetgs, seivs particularas ed autras fuormas tipicas da morfologia agrara sco era per la tgira da biotop tenor concept da tgira cantunal e.a.v.,
- per la promoziun dil turissem migeivel,
- per la promoziun d'ovras litteraras, artisticas ed autras contribuziuns che stattan en connex cun il vischinadi da Vrin,
- per la promoziun da products indigens.

### Art. 3

La cumissiun Greina fixescha la rata annuala sebasond sil tscheins calculatoric dalla vischnaunca resp. sil tscheins actual dalla Banca Cantunala Grischuna. Vegn ina rata annuala buca repartida dil tut sa il rest vegnir repartius ils onns proxims.

**Rata annuala**

**Art. 4**

La damonda per ina contribuziun finanziaria vid in project tenor art. 2 sto vegnir inoltrada alla cumissiun Greina entochen ils 30 da november digl onn precedent cul formular corrispudent.

Ei il project realisaus vegn quel collaudaus entras la cumissiun Greina. Il quen final cun tut ils mussaments vegn presentaus alla cumissiun Greina cun il formular corrispudent. Suenter examinaziun dil quen vegn la contribuziun pagada ora.

**Proceder****Art. 5**

Duront la realisaziun d'in project ha la cumissiun Greina da tut temps il dretg da s'informar sur dil stan dallas lavurs e la finanziaziun. Ella ha la pusseivladad da reducir ni refusar la contribuziun en cass che las premissas per ina contribuziun tenor art. 2 ein semidadas ni sche la damonda fatga corrispunda buca pli al project che vegn realisaus. Sin proposta dalla cumissiun Greina decida la suprastonza dalla cuminonza Vrin. Decisiuns corrispudentas ston vegnir comunicadas immediat als petents.

**Cundiziuns****Art. 6**

La cumissiun Greina ei ina cumissiun permanenta e consista da treis commembers. Ella vegn elegida mintga quater onns entras la radunonza communal e seconstituescha sezza. Il temps d'uffeci ei limitaun sin 12 onns. La demissiun d'in commember succeda a scret per mauns dalla suprastonza dalla cuminonza Vrin entochen igl 1. gi da fevrer d'igl onn d'elecziun. Tuts treis commembers san buca bandunar lur uffeci il medem mument.

**Cumissiun Greina**

La cumissiun Greina ha las suandontas incumbensas:

- informaziun e cussegliaziun dils interessents per ina contribuziun,
- examinar tuttas damondas per contribuziuns e far las propostas per mauns dalla suprastonza dalla cuminonza Vrin,
- plazzament dils daners,
- fixar la rata annuala sin fundament dil tscheins actual,
- controlla duront la realisaziun e collaudaziun dil project, controlla dil quen final e proposta da pagament per mauns dil post d'administraziun,
- dar giu annualmein rapport dil diever dalla donaziun Greina,
- far propostas per midadas ni amplificaziuns da quest reglament,
- tgirar bunas relaziuns cun la cumissiun Greina da Sumvitg e culs representants dalla fundaziun svizra per il schurmetg e la tgira dalla cuntrada.

**Art. 7**

La suprastanza dalla cuminonza Vrin decida sur da tuttas contribuziuns. Ella communichescha sias decisiuns a scret al petent.

Sa la suprastanza dalla cuminonza Vrin buca ir d'accord cun propositas fatgas dalla cumissiun Greina, envida ella la cumissiun tier ina seduta communabla avon che decider.

La suprastanza dalla cuminonza Vrin approbescha il rapport annual dalla cumissiun Greina.

**Instanza da  
decisiun****Art. 8**

Quest reglament passa en vigur cun igl 1. da schaner 2013.

El vegn dissolvius suenter che la davosa rata annuala ei repartida ed il rapport final approbaus. El medem mument vegn era la cumissiun Greina sligiada si.

**Vigur e  
dissoluziun**